

Broj: 01-11-4-1890/25
Sarajevo, 24.10.2025. godine

Na osnovu člana 10a. stav (1) tačka a) i člana 18. stav (1) i (2) Zakona o javnim nabavkama („Službeni glasnik BiH“, br. 39/14, 59/22), federalni ministar raseljenih osoba i izbjeglica donosi:

O D L U K U **o izuzeću od primjene Zakona o javnim nabavkama**

Član 1.

Od primjene odredaba Zakona o javnim nabavkama izuzima se zakup dijela zemljišta/objekta, za potrebe parkiranja službenih automobila Federalnog ministarstva raseljenih osoba i izbjeglica.

Član 2.

Za predmetnu uslugu na godišnjem nivou planirana je procijenjena vrijednost u iznosu do 20.400,00 KM (bez PDV-a). Nabavka je planirana na razdjelu 53. – Federalno ministarstvo raseljenih osoba i izbjeglica, ekonomski kod 6136 – Unajmljivanje imovine, opreme i nematerijalne imovine, Budžeta Federacije Bosne i Hercegovine za 2025. i 2026. godinu.

Član 3.

Za provođenje navedene nabavke zadužuje se Kabinet ministra, koji će provesti proceduru nabavke navedene usluge kao izuzeće od primjene odredbi Zakona o javnim nabavkama.

Član 4.

Ova Odluka stupa na snagu danom donošenja.

O b r a z l o ž e n j e

Na osnovu planirane i ukazane potrebe pokreće se postupak nabavke usluge zakupa parking mjesta za potrebe Federalnog ministarstva raseljenih osoba i izbjeglica u 2025. i 2026. godini.

Nakon izvršene provjere svih elemenata za nabavku usluge zakupa dijela zemljišta/objekta za potrebe parkiranja službenih automobila Ministarstva, utvrđeno je da se navedena usluga izuzima od primjene odredaba Zakona o javnim nabavkama.

Članom 18. stav (1) Zakona o javnim nabavkama BiH, propisano je da ugovorni organ pokreće postupak javne nabavke donošenjem odluke o pokretanju postupka u pisanoj formi, dok je stavom (2) istog člana propisano da, u slučaju izuzeća od primjene iz člana 10a. Zakona ili za dodjelu ugovora o nabavci usluga iz Aneksa II, ugovorni organ donosi odluku koja, osim zakonske osnove za izuzeće, sadrži i osnovne elemente iz stava (1) tačke b), c) i d).

Cijeneći navedeno, donesena je odluka kao u dispozitivu.

MINISTAR

Nerin Dizdar

Dostaviti:

1. Sektor za ekonomsko-finansijske, kancelarijske i opće poslove
2. Kabinet ministra
3. A/a